



Inatsisartunut ilaasortaq,
Aqqaluaq B. Egede, Inuit Ataqtigiit
/Maani

**Kuannersuarni il.il. piiarneq pillugu § 37 naapertorlugu
apeqquteqaammut nr. 123/2019-imut akissuteqaat**

Suliap nr. 2015 - 441
Ulloq: 11/03/19

Asasara Aqqaluaq B. Egede

Postboks 930
3900 Nuuk
Tlf. (+299) 34 68 00
E-mail: asn@nanoq.gl
www.govmin.gl

Inatsisartut Suleriaasianni § 37 naapertorlugu, Naalakkersuisunut apeqqutit matuma kinguliani allassimasut saqqummiuppatit, taakkualu matumuuna imatut akissuteqarfigineqarput:

Apeqquteqaatit nassuiaatit misissoreerlugit oqaatigisinnaavara apeqqutit tamangajalluinnarmik nassiuuneqartut Inatsisartuni Inuussutissarsiornermi Aatsitassanullu ataatsimiisitaliamiit nassiuuneqarsimasut asserluinnarimmagit. Taamaattumillu apeqquteqaatitit Ataatsimiisitaliamut akissuteqaatit nassiuuneqartussat innersuussiffigissavagut, kisinnili apeqqut kingulleq tassani ilaangitsiq akissuteqarfigineqarluni.

- 1. Kuannersuarni aatsitassarsiorfissaq pillugu Kina-miut isumaqatigiissuteqarfigineqarnissaat pillugu Naalakkersuisut qanga tamanna ilisimaqarfigilerpaat?**
- 2. Isumaqatigiissut suliarineqareersimappat imaappa avataangiisinut inunnt uumassusilinnullu innarliinnginnissaa qulakkeerneqareersimasoq?**
- 3. Kuannersuarni Uran-ip saniatigut aatsitaasat akuutissallu suut tunisassiariniarneqarpat?**
- 4. Kuannersuit aatsitassarsiorfittut ammassappat ukiumut nunatta iluanaarutissai aningaasat qanoq amerlatigisut naatsorsuutigineqarpat?**
- 5. Naalakkersuisut Kuannersuaq pillugu danskit naalakkersuisuinik ataatsimeeqatiginnittarsimani qassiunersut qangalu pisimnersut saqqummiussinavaat?**
- 6. Naalakkersuisut danskit naalakkersuisuinik naapitsinatik suliaq susassaqqartunut allanut suliakkiissutigisarsimavaat?**
- 7. Kuannersuit Uran-imik allanillu aatsitassarsiorfittut ammassappat innuttaasunik akuutitsineq qanop ingerlanneqassava?**
- 8. Ingerlatseqatigiiffiit sorliit suleqatigalugit Kuannersuarni pilersaarut pillugu Naalakkersuisut ingerlatsippat?**

9. Nunatsinni suliffeqarfiit sorliit Kuannersuarni pilersaarusionerup ingerlanerani suleqatigineqarpat?
10. Ingerlatseqatigiiffiit sorlliit Kuannersuarni aatsitassarsiornissamik pilersaarut suleqataanermikkut aningaasarsiorfigaat?
11. Ingerlatseqatigiiffiunngitsumik kisianni inuit ataasiakkaat suliffeqarfiutaannik aningaasalersuinikkut pilersaarusiornikkullu suleqataasimasut tamaasa Naalakkersuisut paasissutissiissutigisinnaavaat?
12. Narsami innuttaasut qanoq paasititsiniaavigineqarlutillu peqataatinneqartigissappat Kuannersuarni aatsitassarsiortoqalissagalarpat?
13. Ilumoorpa Kuannersuarni aatsitassarsiorfeqalernissaa siunertaralugu INUILI Qaqortumut nuunneqassasoq 2025-imi?
14. Thorium aamma Flour kiisalu Uran avatangiisinut peqqissutsimullu sunniutissai pillugit misissuinerit tungavigalugit innarliinnginnissaat Naalakkersuisuniit qanoq qulakkeerneqarsimava?
15. Kuannersuarni aatsitassarsiorfissaq ammassanersoq ammassannginnersorluunniit kikkut akuerisussaavaat?
16. Kuannersuarni aatsitassarsiorfissaq pillugu danskit naalagaaffiata qanoq aningaasarsiornikkut iluaquteqarnissaa pissanersoq naalakkersuisut oqaatiugisinnaavaat?
17. Kuannersuarni nunaqavissut suliffissaat qassit naatsorsuutigineqarpat?
18. Kuannersuarni nunaqavissut suliffeqarfiutaat qassit suleqataanissaat naatsorsuutigineqarpat?
19. Sulisartut ataatsimut tikerartussat pillugit inissialiortiternikkut qanoq isumannaarneqassappat?
20. Kuannersuit ammassappata ilumoorpa Narsarsuaq aatsitassarsiortunut kiffartuussivissatut ineqarfissatullu atorineqalernissaa siunertaralugu pilersaarusiortoqartoq?
21. Kuannersuarni pilersaarut pillugu savaatilinnut naatitsisunullu sunniutissai pillugit erseqqissumik misissuisoqarsimava?
22. Kuuit eqaloqarfiit eriagineqarnissaat pillugit avatangiisitigut innarlitsaalioneqarnissaat pillugit misissuisoqarsimava?
23. Kuannersuarni aamma Ilimmaasaq pilersaarummi qaqqat akornanni kuuit, tatsit, ivikkat naasullu avatangiisitigut sunnerneqarnissaat kisiat pinnagu aatsitassarsiornikkut eriagineqarnissaat siunertaralugu pilersaarusionerimi qulakkeerinnittoqarsimava?
24. Kuannersuarni aatsitassarsiorfeqalissappat piginnittuiit kikkuunissaat Naalakkersuisuniit erseqqissumik saqqummiunneqarsinnaappat?
25. Kuannersuarni aatsitassarsiortoqalissappat Naalakkersuisut akueraat Narsami meeqqat inersimasut utoqqaallu Uranimik piiarfiup qanittuani illoqarfeqarnissaat?

26. Naalackersuisut uppersarsinnaavaat Kuannersuarni aatsitassarsiorfeqalernissaa tunngavigalugu Narsami ilinniarfik INUILI Qaqortumut nuunneqassasoq?
27. Naalackersuisut uppersarsinnaavaat eqqarsaatersuutigineqartoq Neqi A/S siunissami Qaqortumut sumiiffimmulluunniit allamut nuunneqassasoq?

Akissut:

Apeqquteqaat Naalackersuisut Siulittaasuata Naalackersuisoqarfianit akissuteqaatigineqarpoq.

Akissuteqaammut atugassatut Naalackersuisut Siulittaasuata Naalackersuisoqarfianit, Aktiaatileqatigiiffinnut Namminersorlutik Oqartussanit pigineqartunut naalackersuisoqarfimmi suliassanut akisussaasuusumit oqaaseqaatinik piniartoqarpoq. Naalackersuisut Siulittaasuata Naalackersuisoqarfia paasissutissiivoq ingerlatseqatigiiffik Neqi A/S, KNI A/S-imit pigineqartoq aammalu nuussinissaq pillugu isumaliutersuuteqarnermut tunngasoq apeqqut ingerlatseqatigiiffiup iluani isumaliutersuutigineqartussaasoq aalajangiiffigineqartussaallunilu. Taamaattumik apeqqutip taassuma akissuteqarfigineqarnissaanut KNI A/S-imut innersuussisoqartariaqarpoq

Inussiarnersumik inuulluaqqusillunga

Erik Jensen

